



Inatsisartuni ilaasortaq Naaja Nathanielsen, Inuit Ataqatigiit

**Inatsisartuni ilaasortamut Naaja Nathanielsen-imut ISUA pillugu § 37 naapertorlu-
gu apeqqummut nr. 2012-046-imut akissuteqaat.**

21. februar 2012
Sagsnr. 2012-060499
Dok. Nr.

Inatsisartut suleriaasianni § 37 imm. 1 naapertorlugu Naalakkersuisunut matuma kingu-
lianiittunik apeqquteqarputit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqut:

**London Miningip maanna sanaartugassat tusarniutigineqartut suliaritinnigikka-
luarlugit Isuani misissueqqaarnertik naammassisinnaavaat?**

Tunngavilersuut:

*Oqallinnermi paasissutissat tunngaviunissaat siunertaralugu apeqquteqaat akissutissar-
siniarlugu saqqummiuppara. Maanna inuiaqatigiinni oqallinnermi isornartorsiuisut saq-
qummiuttaarpat sanaartugassat tusarniutigineqartut misissueqqaarnissap naammassi-
neqarnissaanut pisariaqanngikkaluartut. Tusarniaanermut paasissutissani tunngaviusuni
allaqqavoq; "sanaartugassat London Miningip avatangiisinut aatsitassallu sannaanik
misissuiniarnerminni oqilisaataassasut unnerput"¹.*

Akissut:

London Mining-ip 2012-mi misissuinermit atatillugu sanaartugassanik pilersitsinissaq
pillugu qinnuteqaataata suliarineqarneranut atatillugu Aatsitassanut Ikummatissanullu
Pisortaqarfiup London Mining ingerlatassanik taakkuninnga pisariaqartitsineq pillugu
apeqquteqarfigaa. London Mining tamanna tunngavigalugu makkuninnga nalunaarute-
qarpoq:

Camp nr. 1-ip inissisimaffissaa umiarsualivimmut allanullu umiarsualiviup sumiiffiiniittu-
nut atatillugu ujarassiortluni teknikkikkut qillerinissanik naatsorsuutigineqartunik suliaqar-
sinnaanissamut periusissat eqqarsaatigalugit inissinneqarpoq. Asimi tammaarsimaarfis-
sat taakkua pingasut ataqatigiissinnerisigut aamma eqaatsumik aaqqiinissaq angune-
qassaaq, taamaalilluni aqqusernup aqquataasartussap eqqaani sumiiffinnut aammalu
mittarfiup eqqaani sumiiffimmut sikoqartumut atatillugu ujarassiortluni teknikkikkut qilleri-
nerit siunissami pisussat suliarineqarsinnaalissallutik.

¹ Apeqquteqartup naqissusiliinera

Asimi tammaarsimaafiup maannakkut inissisimaffia annertuunik sikumik ajornartorsiorfiuvoq aammalu silap pujortarnera ajornartorsiutaalluni. Tamatuma kingunerisaanik akuttunngitsunik kinguaattoomerit pisarput tassungalu atatillugu qulimiguulimmik atuinermut nalunaaquttap akunneri akitsorsaataasarlutik. Tammaarsimaafiup inissisimaffissaasa nutaat taakkua siunissami eqaannerusumik suliaqarsinnaanerit ajornarunnaarsisavaat.

Qillerinissami siunnersuutigineqartumi pisuussutinik qillerinerit 2.000-3.000meterit arlallissuarnik itisuunik putoorinertaqartut ilaasinnaapput. Umiarsualiviup sumiiffissaata inissinneqarnissaa aammalu aqqusernup eqqaani ilisimasanik suli annertunerusunik katerinissaq siunertaralugu, ujarassiorluni teknikkikkut qillerinerit 5-10-inik putoorinernik ilaqarsinnaapput.

Ukiorpassuit kingulliit ingerlaneranni qillerinermi pisussanut pilersaarutit malillugit suliaqarnerni, ingerlasussanik pilersaarusernerinnarmik suliaqarniarneq akisoorujussuusoq ajornakusoortorlu paasinarsisimavoq, atortussat tamarmik, atortussat taakkua sumiiffii apeqqutaatinnagu, qulimiguulimmik nuunneqartartussaammata. Suleriaatsip taassuma allangortinneqarnissaa pisariaqartinneqarpoq. Aqqusinerimik aqqaasartussamik ikaartarfimmillu peqalernermi London Mining-ip misissuineq akuersaarnarnerusumik ingerlassinnaalissavaa, qulimiguullit atornagit qamutinik motorilinnik atuisinnaalissalluni taamaalillunilu silamik pissuteqartumik nalorninartortaa sinnaasut annikillissussaallutik.

Aatsitassat pillugit ingerlatallu tamatumunnga pingaarutillit pillugit Inatsisartut inatsisaanni nr. 7, 7. december 2009-imeersumi imm. 2-imi (aatsitassanut ikummatissanullu inatsit) allassimavoq, ingerlatat inatsimmi tassani pineqartunut ilaasut isumannaallisaneq, peqqinnissaq, avatangiisit, pisuussutinik atuneq aamma inuiaqatigiinni piujuartusamik iluaqutaasumik sunniuteqartitsinissaq eqqarsaatigalugit isumannaatsumik kiisalu naleqquttumik aammalu pissutsini assigusuni nunani tamalaani suleriaatsinut pitsaasunut akuerisaasunut naapertuuttumik ingerlanneqartassat.

Naalakkersuisut naliliipput, ingerlatseqatigiiffiup ingerlatat, ilanngullugit ingerlatat matuma siuliani taaneqartutut aningaasaqarneq, avatangiisinut isumannaallisaaanermullu pissutsit aallaavigalugit naliliineq malillugu, naleqquttumik ingerlassinnaassagunigit, saanaartugassanik maannakkut tusarniaassutigineqartunik pilersitsinissaq pisariaqartussaassasoq.

Inussiarnersumik inuulluaqqusillunga



Ove Karl Berthelsen

Inuussutissarsiornermut Aatsitassanullu Naalakkersuisoq



Nuuk 9. Januar 2012

Inatsisartut suleriaasianni § 37 naapeertorlugu matumuuna Naalakkersuisunut apeqquteqaateqarpunga:
(Naaja Nathanielsen, Inuit Ataqatigiit)

London Miningip maanna sanaartugassat tusarniutigineqartut suliaritinnikkaluarlugit Isuani mississueqqaarnertik naammassisinnaavaat?

Tungavilersuut:

Oqallinnermi paasisutissat tungaviunissaat siunertaralugu apeqquteqaat akissutissarsiniarlugu saqqummiuppara. Maanna inuiaqatigiinni oqallinnermi isornartorsiuisut saqqummiuttaarpat sanaartugassat tusarniutigineqartut misissueqqaarnissap naammassineqarnissaanut pisariaqanngikkaluartut. Tusarniaanermut paasisutissani tungaviusuni allaqqavoq; "sanaartugassat London Miningip avatangiisinut aatsitassallu sannaanik misissuiniarnerminni ogilisaataassasut unnerput ¹.

¹ Nammineq naqissusiliinera